



INUIT ATAQATIGIIT INATSISARTUT

Nuuk, 1 februar 2008

Inatsisartut Suleriaasianni § 36, imm. 1 naapertorlugu Naalakkersuisunut apeqqutit imaattut matumuuna saqqummiuppakka:

1. Nanortallup Eqqartuussiviani suliassat sivisuumik naammassiniarneqarneragaasut sorpiaappat?
2. Pissutsit taamaannerat innutaasut inatsisitigut inissisimaffimminnik misigisimanerannut qanoq kinguneqarpa/kinguneqarsinnaava?
3. Nunap sinnerani Eqqartuussivinni ataasiakkaani sulianik naammassinninniartarnerit qanoq siviutigaat?
4. Pissutsit taamaannerat Naalakkersuisut qanoq nalilerpaat?
5. Naalakkersuisut qanoq iliulersaarpat pineqartoq pillugu?
6. Eqqartuussiveqarneq pillugu iluarsaaqqinnissamut pilersaarutit sumut killippat?

Tunngavilersuut:

Ullaaq manna Radioaviisikkut tusarliunneqarpoq Nanortallip Eqqartuussiviani suliat ukiup affaa sinnerlugu naammassiniarneqartartut.

Aarleqqutigaaara innuttaasut inatsisitigut inissisimaffimminnik misigisimanerannut innarliingaatsiasasooq. Inuiaqatigiit sullissinerat tatiginartuusariaqarmat, tusagaq ajuusaarnarpoq.

Unammilligassap ersersiinnarpaa Nunatsinni Eqqartuussiveqarnerup aqqissuuteqqinnissaata qanoq erininartiginera.

Tamatuma takutippaattaaq iluarsartuusseqqinnermi sulisunik ilinniartitseqqinissat sulisullu sulinermi atugassarititaasa, akissarsiat ilanngullugit, ullutsinnut naleqqussarnissaasa qanoq pisariaqartiginera, nukinngiuttariaqartartorlu.

Naalakkersuisunut innersuussutigissavakka Inatsisartut Inatsisit Atortinneqarnerannut Ataatsimiititaliaata isumaliutissiisummini sulisoqarnermut tunngasut pingaartillugit oqaaseqarfigimmassuk (takuuk UKA 07/51).